

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代  
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8 / K·655

定價: 人民幣伍萬肆仟圓

ISBN 7-200-06020-8



9 797200 060200

# 補編第七八冊目次

劍津集十卷(原缺卷五)

〔明〕邵捷春撰  
明刻本

一

徐民上先生集八卷

〔明〕徐來復撰  
明末刻本

九一

避園擬存詩集一卷游喚集一卷王季重歷游紀一卷

〔明〕王思任撰  
明末刻本

一七一

侯太史遂園詩集十三卷

〔清〕侯恪撰  
清順治十二年刻本

二九三

平山堂詩集四卷

〔清〕劉應賓撰  
清順治刻本

五一五

劍津集十卷（原缺卷五）

〔明〕邵捷春撰

明刻本

北京大學圖書館藏

相兼才大而未盡用之者以其所學非己學也  
 之于彼要諸春容嫺雅而不見其有憤盈踴厲  
 之狀則非其才有以運轉之者哉予蓋謂社中  
 之肇復也才而其詩則不因世之用不用以為  
 欣戚肇復入為銓衡出為監司固未嘗不用而  
 用之但見未盡其才夫肇復固未易才也其發  
 之為詩寔未嘗以才之大而溢乎格乃所稱為  
 春容嫺雅君子也是之謂韞石而輝藏淵而媚  
 者也而求珠玉者之所資也夫玉之用以奉璋  
 為貴珠之用以照乘為優而詩之用則太史觀  
 風者固將采之以入于天府言之無罪而聽之  
 者足法其為用也亦大矣詩之用未嘗不大乎  
 以此而益徵肇復之才也乎因序其劍津集而  
 知其神物之必有合也易曰君子藏器于身待  
 時而動是可以通詩之指矣

春社第曹學佺撰

劍津集 序

二

予不敏嘗與人論詩曰五言古工於漢魏莫盛  
 於晉七言古五言律絕工於盛唐亦莫盛於盛  
 唐惟七言律至我朝而始工始盛足掩三唐  
 作者宋元無論已晉人評文以昌黎為起八代  
 之衰至我朝亦始工始盛予友邵肇復先生  
 以易起家少年聯第進士繇大行銓曹晉西蜀  
 叅藩兩浙觀察輜軒所至或故都古蹟必憑吊  
 悲歌乞假林居或宴客開尊必分題角韻蓋自  
 釋褐以來吟草不下千首選其粹美皆駸駸入  
 唐人之室而七言極工極盛尤號長城所為維  
 文俱本遷固昌黎步驟得法即懸之國門公之  
 海宇寔足以稱霸中原不獨主盟壇坫一方已  
 也邵氏自秘書公舉唐貞元進士濬閩中文學  
 之源有開必先歷數百年纘繩宗風永以不墜  
 正嘉之際尚寶廣文詩詞大振書畫絕倫今先  
 生繼起華藻羅胸雕繪滿眼真上掩先哲下昭

劍津集 序

三

來裔者矣。方今 聖天子圖治維新，以先生負  
經濟才，猶高卧東山，薦而弗起，誰復賡歌太平  
謳吟盛事而令而後吾知栢梁倡和兩都奏賦  
必不能捨先生而載筆也。予也潦倒丘園，世稟  
君平已久，再三披諷，且致殷望之意云爾。

眷社友弟徐煥興公撰

夫文章固不朽之業也，惟德與功難兼。故古有  
言曰：絳灌無文，隋陸無武。偏至之語，幾爲英雄

劍津集 序

四

黯色。余今讀劍津邵公集而深有羨焉。公以八  
閩元夫，負瀟灑磊落之性，架上萬卷書業無所  
不窺，迨通籍領使署皇華，四牡凡宇內，佳山水  
悉收入詩料中矣。輜軒所至，清畏人知，旋承

帝簡，晉秉銓衡於時，正天日，初明端邪，襍選之  
會，晉菑秦蔓，誰其定之。公獨持清議，抑陰扶陽，  
君子僉壬之辨，不啻衡六燕而別乙鴻，譽望已  
在岱華天半，無幾何，上念益部險阻，稽公壯

猷，遂以叅知備兵，上南公聞報之日，掀髯語人  
曰：東西南北孰非 主恩，况司馬子長，其文雄  
視千古而得力在浮江淮，撰禹穴觀沅湘，講業  
鄒魯之都，吾得捫參歷井，控巴渝而矚九折，亦  
壯遊也。卽冒暑叱馭，不兩月便入蜀受事，下車  
之後，諮民瘼而問五寒，飭城隍嚴什伍，避馬政  
內肅紀綱，外詰兵戎，且闡儒于豐華，脩文教，蒸  
蒸盛矣。復從嚴霜瘴雨中，躬閱黎邊，盡裁相沿

劍津集 序

五

常例，以克煥蝨瘡，虎之士靡不挾纊，感奮會奢  
酋寇赤水，公籌兵足食而廿載元兇，一旦授首  
礪門楊孽，又懷不軌，公秘授方畧，當惟以夷制  
夷而西南輯寧，暇則撰古名蹟表章先賢，捐俸  
鑿點易洞，俾鶴林西巖一帶，突成勝境，公真異  
才哉。箇中刻有數種，其文則撐霆裂月，沉溪澗  
宕縱其獨至之鋒，以快其所欲吐之意，不以雕  
琢字句爲奇，是左國孟堅之體也。其詩則翻漢

魏褻齊梁而開元大曆以後諸格無不各極其  
大  
大都清新似秋水之澹彩霞璘斑若春華之  
露  
露  
露景穢也入歲廣也包吟殆懸諸日月不刊  
之書耶詩曰文武吉甫萬邦爲憲於公信焉夫  
言文者莫辨于易公深于易者也易有太極始  
生兩儀蓋物生而後有象象生而後有數意緣  
茲生而詞出焉耳故曰詞也者各指其所之風  
行天上渙之文乎文明以止賁之文乎坤象曰  
黃裳元吉文在中也極之嗚四肢發事業皆此  
物此道也誰謂文武有二途而德功與言不并  
時爲三耶予賦質敷數不足語文而辱公臭味  
之知研僭易義以發揮如此敢當公之玄晏乎  
哉

西蜀孫之益撰

貞嘗觀古之善爲詩文者皆以其人爲詩文者  
也以其入爲詩文乃能自達其精神于千古文

與詩或嘗縮乎其人而人每濫乎其文與詩後  
世徘徊欣慕往往惜其傳之不多而愈益思重  
乎其入諸葛武侯開成一代自二表手教數則  
外惟存黃陵一記梁甫一吟所謂十萬四千一  
百一十二字不可得而盡見羊謝兩太傅碩德  
膚功風流文物不減武侯羊公僅傳讓開府表  
謝公工洛生詠詠亦不傳令人嗟之惜之藉令  
三公盡傳其文與詩如近世名家無體不備無  
劍津集 序 七

境不搜以快讀書論世者之心眼後世徘徊欣  
慕當何如也八閩邵劍津先生齊軌三公者也  
精密似武侯通偉似兩太傅起家名書簡要清  
通月材都盡分憲川南舉弘綱綜庶務庶敷文  
教丕著聲靈每一瞻對如清風朗月都無纖翳  
議論辯博洞見底裡武侯之布公開誠兩太傅  
之曠識雅度惟其有之是以似之矣暇日出劍  
津等稿讀之詩文淹通巨麗無體不備無境不

搜巖嶺寫其幽思雲霞秀其清氣屈注天潢倒  
運滄海而推論贊詠史學尤遂袖博浪之椎椎  
破古人痛處非徒爲翻案而已也夫詩文者易  
盡而難工之物也自非通才偉人或有其偏至  
而無其兼至先生名理經濟山水風騷一以靈  
心運之故四應而不窮旁通而愈有所謂以其  
人爲之而精神自達于千古異日頌先生盛德  
大業徘徊欣慕寧復異于隆中南城三君子也

劍津集

序

九

耶貞不敏辱先生特達之知因洞書臺或得步  
餘韻自比于鄒湛羊曇之後作他時一段佳話  
足附茲集不朽矣

臨邛劉道貞撰

凡詩之奇者能生景而景之奇者亦能生詩余  
雖嗜景而懶於詩自使蜀以來崎嶇三千餘里  
跨鳥道捫猿穴仰若登天見飛巖而不見天俯  
如入地見蒼鬱而不見地峰巒悉照於雲端泉俱

送於暗竇其竹樹之偃立而疎翳煙嵐之出沒  
而卷舒倏忽變幻不可縷述乃不覺胸中喉間  
有無限唔唔欲吐之物不吐不已偶以廣寒夜  
兩旅店中揮一律於壁間不意劍津邵寅翁繼  
至而謬賞之和以二律錦江之會出以相示余  
擊節歎服亟徵其他作會以抵任臨邛去悵悵  
月餘不意又得會於嘉州遂得其集讀之真以  
奇思際乎奇景物理天機迴薄成詩故雖精工

劍津集

序

九

刻露要無鑿痕詩生景乎景生詩乎余無以辨  
之矣今余輕舟萬山一日千里倦戀追賞如醉  
如夢時披此吟卽當卧遊獨憺心折於此吟之  
奇而向之唔唔欲吐者反噤然俱喪也當奈何

鄧中注 桂撰

劍津集

晉安肇復邵捷春著

樂府

江南春

春到籬根盡生筍。更無啼鳥。人家靜。曉日珠簾  
不肯開。東風閒鎖。垂楊影。尚有輕寒一分冷。新  
茶試遍樓前井。落花萬點。污羅巾。玳梁燕逐霏  
霏塵。晝漸長。宵漸急。廿番雨過。沾紅濕。祇恐行  
遊常不及。連天芳草。年年碧。何必離家去。鄉思  
丈夫意氣。當自立。世事渾如梗與萍。流光莫駐  
爭評燈。

秋夜長

清宵秋漏長。月照當窓裡。砧聲木葉。萬家聞。鳴  
鴈驚飛。鳥夜起。停梭幾度。傷心古。機上鴛鴦不  
成匹。白雲堂前。幾下歸。碧梧井畔。螢林泣。遠夢  
無成。夜未央。孤燈欲燼。倚空牀。透西窗。載音書。

絕斷盡城南思婦腸。

古別離

非日城邊新取戰。征夫出門。淚如霰。殘星未落  
聞馬嘶。回首關山各鄉縣。可憐萬里金微道。慘  
淡黃沙連白草。明年是月。恨停梭。君歸不歸。當  
奈何。

朱鷺

鼓聲逢逢。朱鷺當中。戰士何苦辛。馬上朝彎弓。  
關城九月生悲風。黃雲白雪常蔽空。紅塵未滅。  
鼓聲焉終。

鏡聽詞

送郎出門何所依。隨風柳絮東西飛。只將明鏡  
聽消息。分明却道今年歸。佳期不驗海棠後。底  
事從前待郎久。拋此青銅積暗塵。滿面誰磨綠  
花厚。

鬪草曲

東風入我衣。關草度青。芳樽日初。以好詩啼。  
窓紗小姑當戶織。十五無氣力。贏得宜男歸。問  
之不曾識。

將進酒

東風吹遍江南綠。遊絲墜絮紛相逐。任他歲月  
醉中催。一飲千杯常不足。人生幾何頭髮白。負  
此年光真可惜。恁呼走兕與飛觥。安知西山日  
將夕。我有嘉賓有酒且陳。今日不樂明日復晨。

劍池集

詩卷之一

三

宛轉鶯聲將若啖。人捨此飲外孰可相親。莫言  
求神仙。長生殊不然。何如醉向石上眠。倏忽落  
花空可憐。將進酒壽君前。

五雜組

五雜組木蘭舟。往復還津梁頭不獲已。遇石尤。

其二

五雜組懸鶉衣。往復還雨雪飛不獲已。無輕肥。

關山月

葉城南秋漏長。玉門關北朔風涼。  
不成寐。舉頭見月摧肝腸。感歎家鄉遠。  
魄當空那有異。一片清光缺復圓。征夫無處  
心淚。

猛虎行

猛虎出日將沒。今與魍魎白晝同突兀。當路一  
聲伐之無斧鉞。安得麟兮不踐生草。使我溪山  
飽薇蕨。

劍池集

詩卷之一

四

長安道

長安道禁城初開時。馬蹄行已蚤。朱門  
風吹塵浩浩。前頭丞相來。沙堤軟如草。奔去  
方人。長安道長安道。

築城詞

築城築要高。君王不知勞。空將城下骨。化作  
中膏。亂風吹殺人。征婦空悲號。城上防邊將。  
曾卸戰袍。

君子行

平生重結交，肝膽向誰是。高誼薄雲霄，慷慨慕君子。匪獨重文辭，托身從此始。末俗惟酒肉，對面戈矛起。最哉兩人心，明月照寒水。

捉搦歌

東隣女兒年十七，當戶哺雛坐屈膝。西隣女兒眼耀日，閒看鴛鴦相對匹。

其二

鈞龍臺前百丈綆，老女蓬頭曉汲井。脆斷銀瓶不見影，斜抱欄楯衣裳冷。

其三

貧家兒美少饘粥，富家兒醜長食肉。爺欲儂飽壻如玉，幾度容華虛遊比。

其四

阿翁生男爺生女，少小聯姻期共處。媒言他姓應未許，壻成十年不歸所。

將為漢將為胡按單于既死子達立昭君

單于昭君乃服毒而死

將為漢將為胡，設問兩端岐。明妃豈身圖華夏，大一統左雜化文襦。戰鬪兩交絕，邊隅萬命蘇。此志既不遂，此身抑何歎。甘毒死朔漠，魂豈化匈奴。請看塚草青，何獨如中都。

劍津集

卷之二

六

劍津集

晉安肇復邵捷春著

五言古詩

做謝宣城竹火籠二韻

墮戶怯風霜巧製林間玉何用蕩莞床何用芙蓉  
繚美人秦樓中織手慵理曲因君日提携愛  
此淇園綠底事東隣翁茅簷戀朝旭

其二

劍津集

詩卷之二

一

琅玕本勁直千尺高凌雲良工取為物歲晚宜  
此君暖奪博山爐裊裊生餘薰朔風轉淒緊繡  
戶何氤氳回首時光易炎涼中道分

登清涼臺

天末起涼風登臺騁遙目斜日水沉山餘霏已  
迷蒼隱隱林岫微漠漠田疇熟葉下歇殘蟬天  
低背孤鶩誰知城市中奇趣二十六題詩懷昔  
賢試別蒼苔讀昏鐘忽相催

登九仙山

古觀高巍巍下看連嶺雉咎日九仙人相傳此  
栖止丹成上碧虛盤跨雲間鯉魚窟今尚存歲  
久火應死偶爾訪遺蹤風吹落髮子坐聆四山  
昏須臾幻青紫禮斗蒼聲催空照月如水

別潘郡公

漢庭二千石卓哉龔與黃美政遍樵川寧殊古  
循良皇天眷南土琴鶴移吾鄉高論生春風清

劍津集

詩卷之二

二

操涵秋霜早魁仰雲漢步禱回穹蒼郊原忽茄  
樹隴畝慰農桑方興來暮詠何期促行裝乘泉  
指東京中土何煌煌衣繡不可扳  
贈大西艾思及

粵在義皇世華夷共靡淳叔季象情偽往往失  
其真我聞歐羅國景教從西秦重譯九萬里不  
復憂波臣艾生銜厥旨次我東海濱敬天破群  
說頗與儒術親波濤窮表極指掌窺星辰十篇

廿五論晨也號時人却謂比丘僧尋常論風因  
遊西禪寺

遂伴覓荔枝林尋僧就蘭若此地擁清涼堂深足  
鋪夏西來衆山秀四望連平野當時稻熟初香  
穗堆蓮社今來但催租一粒無人捨空門亦銷  
沉高閣何爲者蹉茲百年身轉瞬成飄瓦石湖  
潮欲生感嘆斜陽下

遊大夢山

城西大夢山相接湖邊岸登臨值涼天忽忽秋  
將半晴波望如拭大道行不斷風送菜花香露  
傾蘭葉爛中鑿洗墨池前人此濡翰好景淡忘  
歸松溪日初肝

題海邦永賴卷

翩翩公子儻何以能爲理剖竹古桃中俄頃成  
三異一調刺長溪沛然時雨至出入頻戴星勞  
勞存撫字常懷四知心共傳清白吏茂績在山

川旋轉因所利水道陟平成操鮑今始慰瓌河  
見溪功萍鄉推善治令我妒彼土欲奪我公菘  
我公不可奪日下將攬轡

內上洗腸派

佛性本清虛腸于何處着引源來洗腸似覺腸  
中惡鉢底青蓮花妙相本相若手中楊柳枝滴  
水成錫酪是有還是無神仙工戲謔

九日六合道中遇雨因投宿山家作

客途屆重陽駢駢淹四牡炎寒鬱不分驟雨逢  
辰西興衆耐飄零沾濕同喪狗野店聊暫停燃  
藜煮薄酒編籬類蔣徑遮戶學陶柳壁上多留  
題半屬名賢手欵枕卽羲皇名利真塵垢  
促去程媿我牛馬走

雜興

昔賢焚諫草豈爲雞人焚昂昂杜拾遺獨鶴殊  
鷄群勁節我所慕詩格高凌雲晚出左掖篇斯

義徒紛紜

其二

莫作採珠人但作採樵客  
驪龍卧溪淵安能撰窟宅  
何如但入林盼觀山叟奕  
柯爛誰復知欲問松間石

巫山苦焚

驅車白帝城觸熱怯行旅  
目斷千仞峰力盡三伏暑  
赤汗浹檐帷朱炎焚麥黍  
朝曦雨半空夜

劉涪集

詩卷之二

五

月皎如炬一片陽臺雲何處  
來神女蹭蹬上巫山  
低回下峽渚高唐事有無  
宋玉聞其語

九折行

九折廼畏途王事不可緩  
人馬常苦飢蛇豕正驕悍  
冬春積雪深重襟詎知暖  
秋夏亢陽行安得日晷短  
有時驟雨來只恐木棧斷  
強弩幾難支師旅忽以羶  
堡軍夜無煙野店為公館  
何地非羊腸空羨嵇公懶

浣花弔杜工部祠

懷賢此停車唐代有工部  
三禮獻賦成參軍京兆府  
胡塵陷京師徵兵自靈武  
為疏布衣交友逢肅皇怒  
宵騎道河西是處驚夷虜  
飛鳥自依人獨行終踽踽  
卜築浣花居赤甲非樂土  
傲誕時不冠野老聊為伍  
半醉曠節度狂言肆欺侮  
小舟下峽輕啞人乃脫虎  
東遊荆楚間革命傾肺腑  
飄零登岳祠涼月空庭戶  
竝轡許謫仙揚休繩厥祖  
坎壈盡一生忠愍懸千古  
予也節前脩臨風拜堂廡

劉涪集

庚午秋予在臨邛劉長倩上公車黜然而

別泊予遷浙救歸弗果浪迹白門而長  
倩亦以下第來遊把臂如昨始知人生  
聚散得失何常安知白下之不為臨邛  
後期之不如今日乎予其行也尚以志  
感

獵獵朔風鳴蕭蕭繁霜作行行多苦寒脉脉傷  
離索川原阻且長會面杳難度樽酒白下城談  
咲宛如昨天涯有故知失路殊不惡役亦異鄉  
身襟期頃家廓

其二

丈夫事遊宦豈徒爲置身劉生多意氣投合端  
有神上策未見收薄遊適其真六朝佳麗地何  
如洛京塵登眺恣晨夕携手情彌親復云各南

劍江集

詩卷之二

七

北愁看楊柳新

其三

上山聞鷓鴣下山聞子規世路苟如此我行亦  
何爲成功感四序往來可追愛君期早達况  
復際明時三刖和氏璧莫謂售價還青雲且努  
力此以慰相思

上已曹能始開社西湖修禊余值引令君  
過集不果赴

今日良宴會極樂追群賢主人我所愛偶爾慳  
良緣西南不同轍咫尺分各天湖上風日佳寧  
異永和年一觴復一咏酬者誰能先有客過我  
廬高軒旣翩翩咲語達晨夕氣味殊芬然寄言  
二三子勝事毋云偏

其二

古人當上已載酒樂登步勝事千古同蘭亭有  
遺墨我家冶城南鑿池冶園側場圃聊畊鋤幽  
居屏動息方春景物明時花頗增色忘機鷗鳥  
群淹留忽日晏歌咏政良時會哺忘帝力湖水  
清盈盈悵望情何極

劍江集

詩卷之二

八

送錢明府之大奔詩券九首

冉冉春風柔絲絲春草綠有鳥鳴嚶嚶求友若  
不足忽爾事薄遊離緒及晨旭臨岐重殷勤匪  
獨加食囑梁宋非吾土初夏涉蒸溽瞻彼嚴寒  
人貴賤情彌篤版屋紆紆愛文酒期再續

其一

大梁多奇蹟憑吊增欷歔庖犧八卦畫岩頤壁  
六書虞氏著窮愁馬卿賦子虛芳名昔尚在勝  
蹟今為墟君志慨以慷文采振其餘揆玄洩龍  
馬會意變虫魚茲行良不惡分手勿躊躇

讀林初文先生傳

畸人不偶生骨相與世殊吾鄉福唐邑自昔稱  
名區在宋鄭監門愴然流民圖孰知百代後賢

劍津集

詩卷之二

九

哲乃同途爰有林初文嚶嚶慕黃虞當其六七  
齡走筆駭四隅屈宋備衙官命騷亦僕奴憶笱  
嘉隆間閩海皆萑苻先生纔舞象欲棄終軍繻  
感憤數千言席上欺孫吳開府驚動色擊節嘆  
神駒既入膠庠中角執輒前驅弱冠領鄉薦高  
步升天衢公車凡五上空投明月珠仗策遊塞  
上朝夕期吞胡高文成倚馬千金揮若無南行  
遠鄉井浮家寄留都平生霜雪姿耻為泥淖汚

投袂頌寬獄郭解乃見誣輕身赴 闕下請劍

誅城狐封事凡兩陳天遠安能呼傷哉蛾眉篇

薄命同征夫園中十一草觀者為唏噓賴有謝

司寇憐才網為蘇鬼載既無有後脫先張弧放

浪適吳楚吊古歌烏烏時值大工興礦稅盡錙

銖慷慨進鹽筴蒿目佐軍需時宰不見容耽耽

若負嵎藁項入狴犴殺身傷須臾伊予生也晚

莫繇隨步趨蘭摧白玉埋斯文竟何辜憑吊見

劍津集

詩卷之二

十

遊文雙淚沾諸孤

覽古詩十七首

采石磯

采石江浩浩中有青蓮魂騎鯨不可見捉月空  
黃昏千載幽尋者垂堂勿復論

董家里

晨經廣川墟暮過董家里感念天人策斯文乃  
在比千載下惟心後學斷仰止